



Мэбета вадава" ила' панан' етри' мэква"!

НЯРЪЯНА

НЭРМ



№ 27 (5301)
2026 по'
июль иры'
4 яля

СУББОТА

ГАЗЕТА 1931 ПО'
АПРЕЛЬ ИРЫ' ЮКАД ВАТА
ХАСАВАЮДИМДЕЙ
ЯЛЯХАД НАДИБЕРҢА

СИ" ИВ ЯЛЯХАНА
НОПОЙ' СЕРТАБИВА"

Российская Федерация Ямало-Ненецкий автономный округ



Сидянг. М.Ярой' тагтавы

Ёртина"
сянакова' яля"

2

ВТОРОЙ ФОРУМ ЖЕНЩИН СЕВЕРА



Сидянг. Татьяна Сэрогэтто' тагтавы

СИ"ИВ Я' ТЕР" НЕ" НОБТ' МА"ЛЫ"

Москвахана току си"ив яляхана ноб" сер" нэсь. Танияна тодо" нэрм' яхат товы" ненадо нэвэ" сертаць. Нэрм' я' не" нябимдей ма"лэвамдо' мэ"наць.

Пили" нюрте"э' тодо" тэнз" ненэцие" центрхана «Россия»ям' нубетахана илна" нямна выставкам' нэць. Маня" илаңганана" нэамгэ" мэ"мава" манэ"лабтаць. Хуркари" ты', халя' хобахат сэд-вы" паны", я' нямдхад мивы" мал" тикахана танияць.

Тет ю" нэрм' тер" тэнз" поңгат сиднет юр" не" товыць. Тасалковам' Совет Федерация

нэвахана мэна Валентина Матвиенко нэдасть. Сидна" сава няданда ваде"нась. Ма"нисяв, сяхаринда нэрм' ява" илам', нэрм' тер" ила' саирм' лэтрава' няю' саць нэрка таром' ха"аврамби. Ненэйвана не" нэрка манзаям' минре". Нэрм' тер" не" нябимдей форумам' ненадо похона мэ"нава". Сие ниць иры' 30 яляхана нердена янорэй' яна" тиңгывна ненадо ялям' мэ"наваць. Нэрм' тер" е"эмняндо' таславы хэ-бидяялям' ядабтаваць. Тикы' хавна, току пова" тодо тэнзаң помнана" сензаңэ илевана" няю' таславы. Тарцяхана не" нобтики саць нэрка манзаям' минре". Теда' Москван

хусувэй не харта яхаданда тарана иңуд, и' ядэробцо тидхалеванзэ тэврась. Нобт' ма"люормандо' пуд тикыдо' Думарин' нид' тэваңгу", тарабата президентана" толь' ни' тэвраңгуна". Тикына" ирмня тамна нюртей форумхана тасламбавына" нерня' тидхалембива". Няхар" по' сер' нэвы форумна" пуд хуркари яля' няю' нэда серо нэдимдець. Нэкадо' тохолкова', лекар" манзая', вадам' лэтрава' нямна нэда мале няд"маңэ тидхалейнаць. Поңганандо' нэрм' тер" мяд' нямна нэани' тания", нэрмы ненэця" пенсиян' хан"ма" нэани' нинаць юр".

Вадита пуд нэрм' тер" нена" вадамдо' мэ"наць. Пыдо' иландо' саир", минрена" манзайто' нямна лаханаць. Поңганандо' Ямалхадна" товы Яна Кондыгина нэка нита нерад лаханась. Якутияхад товы нобтики ты' илаңгад минрена манзаянда нямна вадамда мэ"нась. Сямянхат ва"лэй" тарана нэуда' тер" ня"маць. Тикым' нэдиманда газетыхана толаира".

Пуна тасалкова" наць. Ханзер", нэамгэ" ваде"мандо' нямна ноб" си"ив яля' хэ"мяхад падаңгува".

Марина Яр'
падвы

Серо нобнзер' тасламби"

Маңгыты" иры' няби пеляхана Законодательной Собрания' нэвахана мэна, депутат", нэрм' тер" серо тидхалембада департамент' манзарана" мюсертаха" тэвормы".



Сидянг. уапао.ги няд ханаы

3 стр. на



Калитанаң делян нэмаш"

Ханымейхана калитани" дет нэайта делям мэ"наш". «Пуровская» общинахана мансланна", кальтуң калитана" неша" мансдянтун дет тондюта деляхана нэпт нэмаш".



Тагтама: Лариса Айва-седо тагтамы

6 стр. на

Паднана" ма"лыць

Алтай' няд няна" Макар Нэкадэта паднась. Кагунь яха' хэвхана тодо" яхат нэда" паднана" ненэця" ма"лэвыць. Таниямна ядэро"мида харта ваде"нась. Нэамгэ' вадам' нянда" мэ"мы нэвамда, пад-вэхэданда намдаңгура".



Сидянг. Макар Окотэтто' таы

8 стр. на

Ёртина' сянакова' яля'

Ямална' тигувна сидя иры' пират' халям' пэртя' ед' таславы хэбидя ялэ ядабтамбаңгува'. Теда' ханяңы' яха'на мале халядана' нидо' ядабтэйдонзэ. Хибя сяңоқм' ватавам', хибя нерня' хэвам' таслэйдонзэ.

Нерденаңэ Сэхэряв', Ноя' харад' няна ёрти майбтаць. Таняна е'эмняндо' таславы хэбидя ялэдо' мэйдонзэ. Тикы' няю' райондо' ерв' таңоця'мна нэдалэлыдаць. Яханандо' сидя юр' няхар' ю' мяд' тер' халядава' серм' минре'. Нюкадо' тет' предприятийхана манзара'. Теда' ненэциедо' мале саць тэтна'. Сямянхат нерденаңэ «Тазагрорыбпром» няби СПК «Тазовский» предприятийха' ёртя' ит' ха'амсетыд'. Пыдо' Тасу' яв' ня'ав' няна халядасеты'. Тюку по' 1900 тоннам' ватабато' тара, нэдьбятю' тарабата писавэй яля' манзара'.

Ноя' хардахана хэбидя яляханандо' яха' лаңгхана ма'лыць. Яндо' тер' ненадо ялямдо' нэтедонзэ, нэхақуд тодо' таңоцяңгат нэди-мяць. Хахая' нидо' ядабтамб'мадо' яңгусь. Ядембада яляхана ной' панытана' не', нэце-кы' тэри нухукоцярахаць. Пили' нюрте'э' тыхасовна манзарана халядани ненадумдаць. Ханяңыдо' нули' сава нэда' тер' ня'маць. Небо' сававна манзаравы' поңга' тер' мядонзэй е'эйңаць. Пыдо' едэй моторахана нэдалэрта'. Сямянхат сававна Салиндер В.Т., Нер-

кагы А.Г., Харючи А.В. поңга' тер' манзаравы'. Пудандо' Неркахы Д.Н., Яр А.Л., Марык И.Г. миңа'. Няхаромдэй' Пурунгуй С.Х., Худи И.В. Тамна самляңгю' самляңг халядана', поңганандо' не', пон' манзаравы' нэармы' ненэця' нэда' тер' нэ еся ня'маць. Тикы' нито' юндо' Тасу' Яв' таңоця'мна тамна пон' соңгу. Тарця сава яляхана ерво' вэди' пуд хусувэдо' харта пирувнанда нюрцэмамда тэрась. Мэбетидо' пирдырңаць. Поңгам' нэкалпава' ёльцяңгана ныхысьяб'нанда ёртя саңговотам' нэкальць нидо' пират'. Ханяңы' хынотахы', таранахы' сырңаць. Паской ной' панытана не нэани' нидонзэ юр'. Е'эмняндо' лаха' пирдырми сертавыць. Нэцекехэрт' тэри ниць нэамдо', сянаковахы'на хуркари нэво недво'нэаць. Саць маймбиць.

Нюка хибя' ерво' тось тасла я'амна' серодо' тидхалембиць. Нюка нэамгэм' ханзер' тидхалевахад табедамбиць. Тюку илаңгана халядава' серктар нэани' закон' харахат пере.

Неняңг' иры' 11 яляхана Хальмер' Се-



Сидяңг': Ренат Пяк тавыг'

Пон' няхатати' ехэра' махаданди' ниди' ядабтамбавэхэ' Эдуард Салиндер няби «Ямал-ню'на» я!» Ассоциацияхана манзарана Ренат Пяк пон' ниди' лаханакурць ня' айдинзэ.

дехэна, Паюте'эхэна, Нэдяңгана халядани майбтаңгу'. Неняңг' иры' 20 яляхана Юрибей' таңоцяңгана ма'лэда'. Пыдо' харе' яха'нато' нэхақуд хамеку'.

Марина Ярой' падвы



Сидяңг': М.Ярой' тадтавыг'



Тоса тара

Тев' ёльцяңгана нули' ядембада' яля' тания пэртя'. Я' авлада' тандер' нэсеты'. Я' ханярина пэдара паранасеты.

Хардахана илени теда' пилю' иры' 30 яля' нэсонд' лэтрэ табедамбидо'. Хой' няна нод' тарця серк' нива еремя' е'эмня нэбтигы тоса серо'нэ. Нэрка' ненэця' нэухото' табекосеты': «Мяд' мюня тум' пятабабта', тумда' нэб' етри' маниера'. Ята'ма' нэаха' санармаңгад тура' саць нэя лэюмбю'. Мядэхэ'на пэ' тахара'ми манэпата' ма'ламбида'. Хаер' пэ' тахара'мам' ядемдабта сэлуй я парана пэсь пир'нэада».

Тюку по' нувода нули' сэл'. Ханяңэхэ'на +30 пирнэ хан'нэа. Я' нимня ядаб', няда тамна марна. Нэдьбятэ сидна' сабе тоса табедамби'. Я', пэдара' парана пэва ненэцяңгад минда сер'. Хибяхав тутэ сярмбямда ян' мовы нэңгу. Нэнинд тунда сибя' хабтавдавэй' хэада'. Таддикахад теда' хуркари едэй мутратна нэво мэ'ла'. Мер' маторана ихибцям' ядембадаха-

на мэп', тато' ихибциебтаңго' маха' тебато' нэбтигы табцаңгуд'. Бензин' нэани' мер' табцорта' нэамгэ'. Нэдьбятэ мякана нэбто', синдавдавэй' нэбто' нэани' тосакабты'. Хусувэй хибява' лэтрэбта, мая' нэдиберта яңгода.

Анна Яптик' падвы



Сидяңг': Алла Вануйто' тадтавыг'

Хусувэй хардан' тэвана'

Салаба' хэ'мяхад, ядембада' нюртей' яляха'на нэюдяко' хардахы' бензин, солярка, газолин тэвравы'. Нэюкханда тавымдо' 13 ёнар' тонна' пирнэ ваде'нэадо'. Нюртей тердо' Шурышкарской, Приуральской, Пуровской, Красноселькупской, Ямальской районхы' ха'авравыдо'.

Тюку по' няхар' ю' хубта яхана нэда хардан' тарця нэво тэвра тасламби'. Харад' тер' е'эмня 66,6 ёнар' тонна бензинм', соляркам', 11,9 ёнар' тонна угольм', 950 кубометр пэхэрэй тэвраңгу'. Нэани тованда та' нэсонд' тикыдо' томда'. Ненадовна таславы ялэто' ёльцяңгана, ненэцие' тарабцо' пирувна тэвана'.

Тикы серо тидхалембада департамент нэвахана мэна ерв Дмитрий Афанасьев тарця вадам' мэ'мысь: «Маня' манзаина' нэақуд пэръяна'. Тецьда' това' нерцю' серона' мал' хамэдэбто' тара'. Ненэциена' мяд' мюй' ядембава' нямна теда' мале няркава'».

Мале сян тарем' ядэрманзэ мэ'. Нюрте'э' ита нэрка нэван' хасувндарха' еси' лаңг' ниня нэда хардахы' тэворнэа'. Неняңг' ирыхыд пилю' иры' нэсонд' Тасу' хаби', Пяку', Тасу' яв' няна няби Ямал' няна илени' ян' тэванаңгу'. Нули' пудана тердо' Пэ' саян', Сэяхан', Нэдян' ханаңгудо'.

Анна Яптик' падвы

Серо нобнзер' тасламби"

Мюсерти" ил' ед' миндя" няд"ми минрена «Дорожная карта» несэймдава' нямна Пэ" хою" няна лаханавы".

Маңгыты" иры' няби пеляхана Законодательной Собрания' нэвахана мэна Сергей Ямкин, депутат", нэрм' тер" серо тидхалембада департамент' манзарана" мюсертаха" тэвормы". Таниянандо' совхоз «Байдарацкий» ты пэрти" нэсын' ма"лэвы". Тикы нэсым' Николай Валеев пухуцянда ня' ня"амбиди'. Пыди' хой' тер" илм', ты пэрма манзай" харам' тяхасовна теневади'. Пухуцянда ня' сиднет нюди'. Николай Валеев хэвы похона «Заслуженный оленевод Ямала» ненадумдм' ня"мась. Мята тер" Россия' тиңгывна нэда «Семья года» конкурсхана мэвыць.

Ненэция" тасалковандо' сер' мюсерти" ил' няю' нэда няд"ми" нямна лаханакурнаць. Ты пэртя" таңы мюйкоңэ мэта парасинм' едэй' нэдимы", ит' ниня подаңгана тохос" тэнзаха" тадаван' харванархыдо'. Вадавнандо' теда' едэй' илаңгана синд"мянэ хуркари" сибицяку" тохо" тэнз" тания": рип-стоп, дарнит. Тикахана хусувэй' ненэць'



мале сян пир" синд"мя" тэнзахат нянанда таранадамда тэра пирта.

Хой' илаңгана нани' саць тарана бензин, солярка. Тикы' няю' есявна нэда няд"мидо' нокамдамбавандо' нямна нобтики лаханаць. Мюсерта" лекар" мякана минрена" серо" нямна хонакурнаць. Нянандо' мюселембада" пардонто' лабтэй" ханяңы" пардон" тарося пэрна", таранархыдо' яңго пэрна". Ненэцие" вадавна еся' няд"ма сава нэва' сер' нэ, ненэць' тара-

на пардондамда харта мэңгу. Тохолкоди" ил', хардахана мядо тэмдабава' нямна нани' ибедорнаць. Теда' ханяңы" не" хамэдэда «Малышу Ямала» лабтэй' е"эйңэ едэй' соявы" нэцекы" ед' есясавэй' падро ня"марпи". Ноканю" небя Марина Валеева' вадавна сертификатувна ембдяро тэмдабава ваць сава сер". Нопой теда' не", тикы падар"мана нэцекыто' нудямбой нэдан' имбытадо мэсь пир"на". Пон' хой' няна мэб", нэцекы хаця вадё"мяхад, тарем' тэмдорма таросьялворта то"олха.

Тикы няндо' вадавна тад нерня' есясавэй' падар"мана тэмдорп", таславы ембдяро" нэрадахат хаця нэаркамбой ембдяро пэрма сава нивняв нэ".

Сергей Ямкин' вадавна тарем' мюсертахат намдортидо', депутатто' ня' манзаяханандо' таротыдо'. Ненэцияңг" тэвормадо', нобкана лахарё минревадо' хуркари серо нобнзер' тасла сиддо' нядаби.

Алла Вануйто' пэды



Илна" саирм' теневадо'

Округна" нэрм' тер" серо тасламбада департаментхана манзарана" хуркари конкурс минре". Хусувэй' пирдырмамдо' яханана" илена ненэцие" ед' сертабидо'. Таддикахад яңга Экспертной советхана мэнидо' тания". Тандая' тикы мандалкана мэна" нерня' мэвыто' нубе хэтаць.

«Душа народов Ямала» номинацияхана ненэй' ненэцие" поңгат Ямальской район' няд' нэда Евгений Худим' нерня' мэвыць. Евгений Варьевич' юнм' естри' намдорцетыва". Пыда илана"

саирм', вадава" нули" сававна теневаңахаюда. Ярабцахата, сёхота, мэкад" иле"мяхата нобнэгэв' инзелесетыва". Хаби тэнзхат Геннадий Павлович Кельчинм'. Нэвна юне падыбадаңэ тарась. Тикы' хавна хаби вадахад луца вадан' тидхаленгода, невхы лаханаку ма"ламбада. Тасу' хаби-хит Татьяна Станиславовна Куболевам'. Толька' хардахана нэцекы тохоламби. Минрена программахаюда – «Наследие» няби «Селькупский язык для малышей».

Нэрм' тер" ненадо мяд' тер" поңгат – няхарм' саву"мыць.

Пыдо' похо" иринато' ваде"мы теневабцо нухото' тамна' тяха' ваде"на". Маня" тенева на няхаюна" Вячеслав няби Вера Вануйтахы' нерня' хэвэхэнзэ. «Лучший авторский проект» ненэй' ненэцияңэ нядна" Надымхана илена Анна Кукушкина' серм' тэравыць. Сертавэда «Колобок на Ямале» нубе"на, яңга нэцекы" е"эмня нэлепядамбада падар".

Департаментна" нэвахана мэна Ульяна Каленюк ма"нисяв: «Тарця пирдырма" я' тиңгывна саць тара". Ноб" няю' нятва похона неовна ненадо". Ненэциена" нито' ила' саиро, вади тисьдембато'

табңгасява" яңгода. Илебей" ненэциена" тюку ва"лэй" нито' тотрев' нани' варемдо' мэ"ңая"».

Невхы иле"ми падарци" вадесо"ма' няби харе" вади лэтрамбава' няю тидхалёда конкурс" мале юкад вата няхаромдэй' мэва' миңа". Таңок" по' ямбан' юркад нэаркам' нерня' пэрмыць. Тюку по' нани' 17 пир" ненэцие" нэдаравы падро манэсармыць. Хусувэй' номинацияхана тэравэдо' самляңг ю' ёнар' есям' ня"муванда.

Анна Яптик' пэды

Їани' тохолко пэяд'

Самляг по' тяхана «Школа общественной дипломатии» тохолкова џадимьясь. Теда' тикымдо' маугы" иры' 23 яляхана џани' пядонзь. Пилу" иры' тетимдей яля' џэсонд' мякатато' тоходануванзь пэрџа".

Тюку по' серм' минренаџ Россияна" џарка ассоциация' тер" тара". Я' тигывна илена" ненэця" падродо' общественной организация" сер' џадарамбабато' серо"џаць. Пыхыдм' харе" ивна пада ниць пирас". Ненодовна ассоциацияха"на мэни" вато" нямна џэда теневабцо џокамдаван' харва". Тая' еремы" ханярина џэрм' тер" нерня' пэрэць тоходанугу".

Нюртей тохолковандо' пеля няхар" ян' тярмы џэугу. Тикымдо' мале"махадандо' теневабцодо' манэсарта". Тамна' тяха' хэвандыдо' янџа тэрабаугудо'. Сямбирувна варемдо' мэ"махандо', харбэ џэвахандо' сырта".

Ассоциация' џэвахана мэна Александр Новьюхов' вада тарцясь: «Тюку тохолковахана маня" ассоциацияхад перена организацияхана мэни тохолаван харвава". Нянана" сямян џамгэхэт теневана": вато хамэдамбада", падаркана ва"лэй", ерво" ня' џобнзер' тасалко пирта" ненэця" тара"».

Тедари' ваде"мыдо' џамгэм' пэрмандо', тад нерня' ханзер" тохолковандо' нямна џаць. Нядандо' џани' едэй юнм' намдаба"на" џани' падаугуна".

Анна Яптик' падвы

Табеку" сер' лахана

Салехардахана џэда «Наследие» толаугулавахана џэрм' тер" яна" юнета" ненэця" хуркари илека џаво минре". Тикан' џоб" тарця сава лахарём' мэ"манзь Валентина Нёлёковна Няруй тэворџась.

Їули" нерде' џацеки" ед' минрена «Голоса Ямала» нюбета проектм' тидхалембада нита ня' џацекехэ"на лаханакурмысь. Ваде"мыда нюдя џэванда мальџгэхэд нисяхаданда, небяхаданда намдавы" табекуда. Пацеки" мяка" нато' намдорга" табекудо' џобтики нянда ваде"ядонзь. Пыдо' џобкана ханзер" џарка" ненэцие" табеку няд"мяць пыхыдм' нерня' пэрма' нямна тасалкуць. Лахарёмдо' пунына Валентина Нёлёковна нянда инзелевы" нита ня' янџа тохолковам' сертась. Пацеки" ихинандо' пойда" табекуто' хари падарг' падамбидонзь.

Пацеки" пуд Валентина Нёлёковна џарка" ненэцие" няць лахарёмда тамна' тяха' вэтадась. Тикы яля' хэвханда товы" нида мал' теневана нида џэвыць. Їули" нерде' В. Няруй пили" нюдя џэванда мальџгэхэд намдормыта, манэ"мыта нямна лаханась. Вадёданванда ямбан' тикы" серода пыда иланда няю' хурка таром' ха"аврамам' ваде"џась. Ханзер" тохолкоди" няби џацеки тохоламбади" ед' нядабава' падро падыбавамда џани' тензебтембидась.



Сидяг: Анна Яптик, Алла Вануйто' талтавы'

харта падвыда џобкана џани' сёнэ ханабидонзь.

Лахарёмдо' пуданахана Валентина Нёлёковна няби Галина Хывдалевна невхы" табеку" сер' џобт' ма"лэвы" ниди' сэйлабтамбихинзь. Пыди' товы" нита ня' толь' тяхана мяд' тер" мэта" мэсыдо тензебтембихинзь.

Тикы яля' тарця џоб" сава нява" толаугулава' хардахана ядабтамбиваць. Валентина Нёлёковна Няруй ненэй ненэцие" юнета ненэць. Пока по' џацеки тохоламбади" няю' нядаџгода" падро сертабадаџэ манзарась. Тохолкоди" няю' ненэця' вадавна џэда толаугобцяџо падыби. Тарця сава нява" маня" вадава", илна" саирм' нерня' падаркана минре сидна" нядаби.

Алла Вануйто' падвы

ОБЪЯВЛЕНИЕ

Ямалхана СВО' няна сайнорта" ненэцие", мято' тер" е"эмня џадимдевы" няд"ма"



КОНТРАКТНАЯ СЛУЖБА

ЕДИНОВРЕМЕННАЯ ВЫПЛАТА ЗА ЯМАЛЕ

6 700 000₽ 4 000 000₽

ПОЛНАЯ ИНФОРМАЦИЯ ПО ТЕЛЕФОНУ

8(902)816-11-90
8(34922)3-98-08

ЗВОНОК ПО РОССИИ БЕСПЛАТНО

МИНИСТЕРСТВО ОБОРОНЫ
РОССИЙСКОЙ ФЕДЕРАЦИИ

contract189.ru

Паднана не


Тандая' ханя' сава юнм' намдаваць. Попой яна" тер' пирибтя ненэцие" е"эмня толаугобцям' падвысь. Ямална" толаугулава' яха"на хось пиртара".

Салыгардахана вадёданвы, тоходанвы Анфиса Сэротэтто «Мамако» нюбета книгама' падвысь. Луца вадавна падвы иле"мяда нюртейда. Тикында нерцю" харе" хэты хайнана вади падыбасеты. Пыхыдамда «Ругинский клуб» тер" понд' мэдась. Тедалахана тикы" няхатата џарка няд"мам' хомби. Побџгэв' сита нерня' пэрэць нядаџгу".

Покханда ненэцие" е"эмня џадимдеванда толаугобцяда няхар" юр" џэугу. Мал' округна" паднани" падвы яля' џадимдембади" серо теневани" мандал" таром' няд"мяць џадимдегуда.

Анфиса сертавы манзаянда ед' тарем' лаханась:

– Тюку падвэми мале сян по' манзая"џавась. Ихинани ёльце ваде"ман, манэ"лабтаван харва-



Сидяг: dkms.yanao.ru няд' ханавы'

вась. Толаџгода" ненэцяџ" илебей не', Едэйне' иле"мям' намдрамбаџгудм'. Падвэхэ-нани хар"н яни тер' мэневами, ями сямами, ненэй не, небя саву"мами ваде"џадм'.

Павна паднана няна" иринада, хаданада вымна мюсерџаць. Едэйненда паџг' џод" џани' хой' няд' перенарха". Несэй иланд' тэвавахана сита невхы" табеко" нядаби", нерня' иланд' табедамби".

Анна Яптик' падвы

Ядне' мяд' тер"

Ямал' җардавна мяд' тер" е"эмня ненадо пирдырма тания. «Семья Ямала» нубе"җа. Хусувэй по' 2014 поход миҗа. Џокханда 83 мяд' тер" танияна ненадумда"мадамдо' ня"маць. Поҗганандо' җэрм' тер" нубеҗани' намдасетыва".

Тюку по' «Сельская семья» пирдырма' тэнзхана няхар" мяд' терхат сямянхат ненадоҗэ Ядне' мяд' тер таславы". Пыдо' Нядаҗгарад' няҗы Ерьяха' хардахана иле". Небядо' – Антонина Тапиевна, нисядо' – Семён Николаевич. Пыди' танияҗы яхананди' юнета ненэҗяҗг'. Џока по" ямбан' школахана манзараҗаханзь. Хардахананди' сидти' хусувэй хибя тенева. Нямнанди' сава" вадари" сосеты". Неноховавна невхы" иринати' ила' саирм' нерняри' тидхалембиди'. Џобкана мале 36 по" ямбан' илеҗаха'.

Антонина Тапиевна ниди' ханзер" ховамди' тарем' ваде"җадась:

– 1985 похона Саляҗгардахана җацеки тохоламбадаҗэ тохолковами ёльцедамзь. Нядаҗгардахад си"ми Ерьяхан' җэдабтаць. Нерде' пионервожатойдамзь. Пуна тетимдей классм' тохоламба пядамзь. Манзаями тид" минревась. Урокато' пуд пэдаран' ядэрцетыва", сянакурцетыва", соя"ма' ялэдо' мэцетыва", җобкана ныланасетыва". Џули" мун' мянкоҗа" җэсеты". Ти, тарем' Ерьяхана иле пэяв". Семёнм' нерде' школахана манэ"җавась. Тания' неямда вэдеманзь тюҗгавысь. Тамальҗгана тамна ехэравась. Тикы' пуд нянани манзаравы нями си"ми клубан' хаҗась. Семён җани' тикахана мэвы. Мань таранахат хэвнякуна җамдыдамзь. Си"ми манэць, хэвхани то, лаханакурць пэйни', җопой таравани' пуд нини' мале нинизь ёпю", тев' тенат' җоб" хэвхана мэни'. Няхар" хасава нюми', җопой не нюкҗями',



Сидяҗг': Антонина Ядне' тавы

пыдо' теда' харто' җарка ненэҗя". Иландо' сехэры" таславы". Хусувэхэндо' ненэй нюмдамда ми"җанинзь: Енко, Нядма, Едэйко, Еля.

СИДЯҖЭ ҖАЦЕКИ ТОХОЛАМБАДАХАНЗЬ

Теда' пухуҗаха', вэсакохо' школахана манзаравамди' сава ихина тензибтембиди'. Семён Николаевич – мел' хасава. Лэхэд, пяхад мирць тяхасовна тенева. Сыв' мальҗгана хардандо' поҗгы" ядэлави" мюй савумдамба салабахад я' сармикэци, теҗьда' ири' сидяҗг' мимбасеты. Няхар" юкад вата по" «Умелые руки» няби «Юный охотник и рыбак» кружокхана мирць, хане, халям' хадаба җацеки тохоламбавы.

Антонина Тапиевна җацекида етри' сава серк" тидхалембасетыда. Ненэй вада', литература' урокаха"на җарка нита табекто тензибтесеты: «Хусувэй падвы я' илам', нув' илам', ненэҗие" илам' хэтыдо"җа. Сомбовна тасла"махад харидо' җэрм' мерҗяраха", я' сохораха", харпо" иняраха", неди" харараха", ты" сарпяраха", еси" тэлраха". Инда" җут' таслахая, няюнда" нятлабтамбида"». «Мы-нико»җэ нюмдевы кружокхана лаханакто, невхы" иле"ми толабавы", җадимдембавы".

Нюти' турп", мал' җобкана мяканандо' ма"лорцетгы". Тикы' хавна харад' тер" мядонзеты". Ненадо" яляха"на нёлёко" тохолкода" җацеки" танияна сэдорасеты", паҗгалторцетгы", тамна җамгэхэби сертабасеты". Сиддо' мяд' ерв



Тохоламбавы" җацекиди' хуркари" пирдырмаха"на нерня' ха"морцетгы", тяхасовна теневабцудо' җадимдембасеты".

не, Антонина Тапиевна тохоламбасеты. Не нюди' лекар" неҗэ Пангодэхэна манзара. Енкоди' Тюменьхы индустриальной университет' многопрофильной колледжхана тохолкованда пуд электромонтёрҗэ я' индадм' нэкалпади" поҗгана манзара. Нядмади' Хальмер" Седе"эхэна ненэҗие" маяхат нэкалпада. Едэйкоди' Ерьяхана иле, ту хабтабади" нида машинам' мэтаҗэ тара.

Пенсиян' хэванди' сер' җани несэй таром' минреҗаха'. Антонина Тапиевна толаҗгова' мякана манзара пэяць. Вэсаконда ня' 2025 похона танияна музейм' сертавэхэ'. Џобт' ма"лавы" җамгэри", сидяҗг" хардандо' тер" илам' ваде"җа". Тарем' сидя няхаюна" иланди' ямбан' яля' няри' сырҗаха'.

Галина Кинчина' падвы



Сидяҗг": Марина Ярой' талтавы"



Невхы илна" саирм' лэтрава' нямна тэри нихи' лахана". Мале җахакуй" похо"на харад' мяти' хэвхана ненэй мятамди' мярвэхэнзь. Небяндо' вадавна, ненэй мякана иле харвабцодо' етри' таясеты.



Калитанаң дядян цомаш”

Хомана ныптакоңа”, поңкнатуң мяналя”. Ханымейхана калитани” дет ңайта дядям мэ’ңаш”. «Пуровская» общинахана мансланна”, калытуң калитана” неша” мансдянтун дет тондота дядяхана цопт цомаш”.

Калитани” дядям калтантуң вэ́кна ңайта токушаң кэвхана мэ’ңатоньш. Ханымей’ няна дидина” нешади” камна наңича дяхат томы” мячидёлта” тадымэ’ңаш”. Пюд дяна администрацихит мэна” ведв”, маня” «Ямал - потомкам!» нимита ассоциацихина мансланна” таньняна дятлыш”. Калитана нешаңк муну’ңаш”, пеншихина мэна” ңалка вэ́ку”, пуши”, ңашкиуди” мячисэт ми’ңаш”. Талыша ныптакома дядя вы’кна мансланна” нешаңкна” хома. Нетуң манэшту”, няханатуң дэди-мяшошту”, поңкнатуң шана’ко мяналышту”. Таңичохона чуувна дидина” неша” ныптакома ңудютуң дякошту, калитамантуң камна, недяңк мадышахана тытуң писамэй ведашту”.

Калитани” дядян Ханымейхана хомана ңанатамэт, нешади” ныптакомаң мэты кулкади” ңамыдю” шелта’ңаш”. Неша” ню’к ңаймямтуң, нэ-хэмтуң конулпёш шана’куш”.



Валь’янохана лапяташ няхалдют цок неша” мяналыш”. Токушахана ңынутоляш. Лапяташ пяй ңанохана дятылмам чедимяна неша” куптахалт ниш’ту” мин’. Ңанохана мяналыш Константин Иванович Пяк нэхэляш. Нэлумпёш ңупчики ңука неша” мяналыш”, таньше шана’ко пиди нэхэта’ңэ Леонид Иванович Пяк тонла’ңаш”. Пыта нэхэлумпёш нэхэляш. Чики дядяхана ни”



ңупчики поңкнатуң мяналяш”. Нэлумпёш Екатерина Митрофановна Вылла ңайвахай местам кана’ңаш”.

Чуки похона нэхэлумпёш нэхэдмы” ни” мячисэт ассоциаци” «Ямал - потомкам!» ми’ңаш. Чики’ң камна мяналта” не’ңи” кукинтун медьмана калям пэхэмам, мимчимам маньсаляш”. Пэхэнамам чедимяна” куптахалт ниш’гмы кади” пэхэдытоньш. Ня”-

та не’ңья пиди хомана, медьмана пэхэм Ирина Анатольевна Айваседо шелта’ңаш”. Пыта пэхэ’ңаш нэхэляш. Нешанатуң - немянатуң мяналтан ңашкиуди” ңупчики кулкади” шана’кохана” шана’куш”. Мяналыш нэхэдмы” неша” тотуң мячисы” ня’ам’ңаш”. Калитани” дет тондота дядям Ханымейхана дэдыше хомана мэ’ңатоньш.



Таттама: Лариса Айваседо таттамы

Ныптаку”, дечтуң мань’ңа”

Пюдяхана ңайта Толькахана дидина”, калитана” капи” ңупчики мансдянтун дет тондота дядям мэ’ңаш”.

Чики дядяхана чуувна петадахана дидина” капи” чупей’ калтан то’ңаш”. Пы’то’ң ңупчики нэхэмтуң, ню’к ңаймямтуң конулпёш поңкнатуң мяналыш”. Ңанохана лапяташ матапёмытуң дяхантуң пен ңуп километра’ң кун ңаймай. Ңалка не’ту’ң мяналтан ңашкиуди” ңупчики поңкнатуң шана’куш”, Пюд дяханана ңайта Ассоциацихит «Ямал-потомкам!» мячисы” ня’ам’ңаш”. Поңкнатуң шана’ко мяналмантуң камна Толькахана дидина” капи” дечтуң лекалки” ңычимче’ңаш”. Толька куптана ңайта ню’ча калват, талыш лекал’ таньнямна цопкат ниш’ту” дятэл”.

Чуки дилхана кулкади” кавша” ңычимшту”. Ненымана тавсулта” деча” вайма”. Талыш калитани” дет тондота дядян томы” капи” чупей пы’татуң лекалт ңычимче’ңаш”. Чики’ң камна кыпудятуң татта’ңаш”, УЗИхана дечтуң мань’ңаш”, дена” чимутуң чим’ лекалт ңычимче’ңаш”.

Чуки пома” – дечашама пу’ңэ тунды, Ямална ңалка ведв таньше тасламы. Дечашама – ненэй ңалкамана талана шел. Талыш таңичохона дэделыш чепмантуң не’ңья калитана” капиди” мят-чел” хомана ныптаку”, дечтуң лекалки” ңычимче’ңа”. Татне’ңья’ «Пуровская» общинахана мансланна” шан’ таньше мэма ңудютуң дякуты, таңичохона дяди” тахана калиташтоны”.



Таттама: Лариса Айваседо таттамы

Няхар" манту



Намдвэми лаханакоми манту я' ва'ал нэ' нив. Ыавхы нэвы сер". Ыавнанта Ладукэй то' вархана няхар" манту" илевы". Малнэ не-савэй нэвы", нэцекыду' таниявы". Тыду' нэка нивы" нэ". Няхар" манту халям хадабаставы", ханеванзэ нэни' ядэрцетавы". Ладукэй тохона халэда нэка нэсэставы. Таңы хадавы халэду' та' нэсонт' тэвсэтыд".

Їобнгуна нэрка манту тет хабтем' подернэ, ханевнзэ хая. Ма" нив, маси" илебцям' хадагудм'. Теда' илебцят нэканю".

Яля' ямбан' нэдалэрнэ, нэб" илебцям' хада. Тад мякандэ нэдалагуды, нэб" яднэ нем' манэ"нэ. Тикы нер нэней не нивы нэ". Сябт панэям' мэ"мы.

Мантор хонрада:
– Пыдар хибян, ханядядэрнэ? Парнэн нинав нэ"?"

Парнэ манзэ ханада:
– Нисями си"ми нэдабтасэ. Мась, мэди пюсэ хань". Теда' хуняд мэдамда хонгудм'? Ыамгэрт хадавэми юнгу. Пыдар нэни' нэб" илебцям' хадавен. Пелямда нэни татар? Нисями, небями нэрихинзэ .

Мантор ма" нив:
– Хаманзэ пелямда нэнд татав? Парнэхаюд нэниани нэхи' тара". Ыамгэ' е"эмнэ нэвлагуюн?

Парнэр нэсюмя, ма:
– Сававна лаханаван нин харва"? Теда' сит хадагудм'!
Тиканда мантон' санэй", сясавэй" хадеңада. Вэида нэдимя". Тад хасавамда малнэ маторнада. Матормы нэмзида хан' ни' мэйда. Мальцямда, пибидэ харта серыда, мякандэ нэдалэй хая. Лоханакор пумнанда хая...

Яха' малхана нэб" нэрка надо таниявы. Тикы надона я' хоркадэ таниявы, парнэ мянэ мэтаду'. Тикы хоркадэ' мюня парнэ вэсаку, парнэ пухуця илевэхэ'. Їоб" не нэди' таниявы.

Ти, теда' парнэ' не нэ нэдалэй то, хоркадэ' нэ' хэвувна хынрада.

Нисяда манма:
– Їули" пон' юнгунаю". Ханямна ядэрсан? Тыд нэни' ханяд хувыд?

Парнэ' не нэ манма:
– Їоб" нэдалэйдам' ходамзэ, тад тикад хадавасэ. Ыамтида те'в", хан' нинэ нэ". Екар", нэмгэ нэнець' нэптав? Манту нэриханю". Тет хабтемда нэдамзэ хада".

Парнэ вэсаку ма:
– Саван нэвен. Теда' нэмсава" нэканю". Тамна тет ты тания. Нэдалэрт" нивам .

Тад парнэ пухучэ едм' пире. Їормахаданту хонэйд".

Хувы ялумдакана юркыд". Парнэ не нэ тет хабцем' ярка, подернэда. Сеней ян' нэдалай". Лоханакор пумнанда хая.

Тэвмахаданда манэңада: нэб" манту не тувы. Хананда нинэ нэмдэ ярмонда, мамононда:

– Вэсакоми хибя хадавада? Хаднэ" парнэ хадавакэда. Теда' нэюкцини нисясипой" хай".

Парнэ не нэ хахаярка то. Немнэ"мада, сясавэй" хадеңада. Тад хар нэрикахана не нэванда ерт'

тебкадтада. Не юнгума. Парнэ тивмда хавра, не' мюй нэвори нэңгалнэ, хэвнэ' мюяда. Тикы пуд не нэмтида мал' маторнэда, хананда ни' мэйда, мякандэ хая.

Лоханакор няхар" манту" нэсын' пулэй". Ёнэй манту' мяд макодэ' нэмды", инзэле .

Ёнэй мантор мамононда:
– Неками товэни харва". Хуняхавана хавакы. Теда' ханзэр" нэңгува"? Пюванзэ хантава"? Нэнеця" манзэты", яха' малхана парнэ" иле". Хаднэ" серту нэдякы? Парнэ"я мят' хэива".

Нэюдэ манту мамононда:
– Иб" хэиваць, парнэду' ханзэр" пирдалеңгуна"? Ыамгэ мирвхана пэртына"? Нэынхана ядабаңгуна", тубкахана сапаңгуна"?"

Ёнэй мантор мамононда:
– Есэ нэынми тания. Ю" есэ мыңк тания", малду' халэв нэлха". Гарця мирвм' мэць малнэ хадагун.

Тад пин' тарпыд". Тыду' тана". Ёнэй мантор тет падвы тым' нэ"ма, нэюдэ мантор нэни тет парисем' нэ"ма. Нэюдэ манту хасавэ нэ тет хабтаркам' подернэ. Няхарнэ нэдалайд". Наңэдя яля'

ямбан' нэдалы".

Пэвсюмя' нэня парнэ"я" мят' тэвыд". Парнэ вэсаку я' хоркадэ' нэ' хэвхана нэмдэювы. Няхар" нэдалэйдам' манэць манма:

– Хаманзэ тода"? Сидда' вэньсэям' хай".

Ёнэй мантор ма:
– Пыдар неками хадавакэр. Нэванта лы мят' нэ' хэвхана нэню"!

Парнэ вэсакор ма:
– Мань хадавэми ни нэ". Не нэюми хададасэ. Пухуцямда нэбтарем хададасэ. Теда' мякна мэхэва", саво вадина" мякна мэкна"!

Ёнэй мантор ма:
– Нэнясэри нэб", мят' тэбна" савараха. Яля' ямбан' нэдалэйдана" мэ' харбилина".

Малнэ хоркадэ' мю' тэ" ним, ва"аван' нэмдыд". Парнэ пухуця едм' пиревы. Ед"яда нэнець' нэмсанэ панмы. Вэваку нэпт тарси" лехэдарна.

Ёнэй мантор ма:
– Нэнець' нэмсам' нэртава" вэнива" на". Ханэюй халям' нэябадхава", тад хонаина".

Ти, нэриць' эльцемадану' хонэйд".

Пэ саво ернэ ёнэй мантор сиды". Тад хармда нэкалнэ, хонэда парнэ"яда мал' хадэйда.

Хубтахана манту" юркыд". Ёнэй мантор ма:

– Парнэни малнэ хархана хадэйнась. Тубка нисэ тара", нэын нисэ тара". Теда' мякна" хэхэва"!

Тикы пуд пин' санэйд". Тыду' яркыду', подер"яду', мяканду' хая".

Нэнеця" манзэты": та эльцеңгэ парнэ" ни" нэдибер", нэней нэнецие хадабадэду' юнгосяты".

Лоханакоми та валакада.
«Ненецкий фольклор»
толаңгобць' мюд ханавы,
К.И. Лабанаускас' падвы



Падта"ма": Руфина Окотэгто' падтавы"

Паднана'' ма''лыць



Сидяңгахана маниенара'' – Макар Чокдэта. Пыда Пэ' саля' няд жа. Паднавам' мэнена ненэць'.

Маңгыт'' иры' нердена'' аляха''на Пэ' саля' хэвхы тохони яда поңгарманзь хан''жадамзь. Тамальүгана сидя юдерцям' ня''мадамзь. Мякни ядадм', тарем' яднахани телефонми муно''лы''. Москва' няд минда вада то: «Торова, Макар! Алтай' нямна нэдальөрман нин харва?» Мань мадм': «Ханядм' харва!» Тарем' сян яля' иле''мяхадани тиртя нано' мю' нямдыдм', ехэрана ё манэ''манзь хаядм'. Нярка неро явм' малнда ня' тандамба пяв.

Хари'' вадам' лэтрава' нямна нэда проект тая. Нюмда - «Языковая арт-резиденция. Музыка слова». Нярка яна'' ханярид нэда харто' вадавнандо' паднана ненэцие нобт' ма''ламби. Сидя по' тяхана мань тикы проектхана мале мэдамзь. Тамальүгана Республика Башкортостанан' хан''жаваць.

Теда' Катуньм' нубета яха' вархана илева''. Тюкохона юд' мян' ялям' мэтава''. Чокханда сидя ю'' ненэцяма'': мал' паднана'', вадам' нерня' минрена''.



Ма''лэвы'' ненэця'' мал' харто' вадито' нямна няркна''. Лаханаковандо' сер' нито' ила' саирм' нани' торомдамбидо'.

Паднана'' нина'' юнм' нэдараб'', юне падыбадаңэ сяхаринда маймбасетыва''. Алтай' няд няна'' Макар Чокдэта паднась. «Няръяна Нэрем» газетам' толабадаңэ нянда'' нарка торовам' нэдарабмись. Катунь яха' хэвхана тодо'' яхат нэда'' паданана'' ненэця'' ма''лэвыць. Танямна ядэро''мида харта ваде''ядась. Нямгэ вадам' нянда'' мэ''мы нэвамда, падвэхэданда намданүра''.




Тюку тадта''махана Оксана Белкина няби Самбажык Сандак мэңаха'. Неюм' Мордовия' тер. Пыда вадамда нерня' пэрња, мокша'' вадавна падна. Хасаваюм' Тыва' тер. Пыда театрхана сянакодаңэ тара. Тикэнда хавна паднана, музыкант.

Тикы нини'' Я' малан' тэворо''мадо' юңгу. Мань тюку яхана вы' хойни нямна иле''ми вадетаңэ тарадм'.




Мядонзэйңэ «Няръяна Нэрем» газетам' тэврадамзь. Ненэй вадавна падна юн' падарм' няхани'' толабаванзь мипивась. Вадам' нибто' нод'' хамэдамбу'' нянандо' тарем' нод'' нюрцям' нэвысь. Тикы' хавна «Ертями» тэврадамзь. Падвы толаңгобцьми я' ханяримна нэдалёрња.

Макар Окоэтто' падвы



Хобцоко'' ↩

Таслара'', хурка вада'' сюры''?



Татьяна Сэротэтто' сертавы''

Газета
«Няръяна Нэрем»

И.о. главного редактора
Яптик Анна
Владимировна

ГЕНЕРАЛЬНЫЙ ДИРЕКТОР
АНО «ЯМАЛ-МЕДИА»
Зулинова Мария Андреевна

№ 27 Подписано в печать 2.07.2026 г.
Вышла в свет 4.07.2026 г.
По графику: 16.00, фактически: 16.00.

ПОДПИСНЫЕ ИНДЕКСЫ:
на год – ПА701,
на полугодие – ПР562.

Учредитель – департамент внутренней политики ЯНАО
(629008, ЯНАО, г.Салехард, пр-кт Молодёжи, д. 9, каб. 708).

Издатель – департамент внутренней политики ЯНАО (629008, ЯНАО,
г. Салехард, пр-кт Молодёжи, д. 9, каб. 708)

Газета зарегистрирована – Управлением Федеральной службы по надзору в сфере
связи, информационных технологий и массовых коммуникаций по Тюменской
области, ХМАО-Югре и ЯНАО от 19 апреля 2012 года.
Регистрационный ПИ № ТУ72 – 00559

Тираж 3600 экз.

Заказ № 224 тз (тираж 3600 экз.) отпечатан в АНО «Ямал-Медиа»
Юридический адрес: 629003, Ямало-Ненецкий автономный округ,
г. Салехард, мкр. Богдана Кнунянца, д. 1, каб. 106

Фактический адрес: 629007, Ямало-Ненецкий автономный округ,
г. Салехард, ул. Чубынина, 39А

Газета выходит по субботам.

Цена годовой подписки 166 руб. 84 коп.

В розницу не распространяется.

Адрес редакции: 629003, ЯНАО,
г.Салехард, мкр. Богдана Кнунянца,
д. 1, каб. 106
тел. +7 (349 22) 4-53-32

E-mail: nn@yamal-media.ru